



特別  
61  
83  
7





門武  
第 99  
卷 7



保嬰全書卷之七

贈太醫院院使薛鎰 編集

前太醫院院使男薛已治驗

熱吐

經云胃傷則吐小兒熱吐者因多食甘甜炙  
煇之物或乳母膏梁厚味胃經積熱或夏間  
暑氣內伏於胃所致若肌肉潤動煩熱作渴  
者暑傷胃氣也先用香薷飲次用竹茹湯若



吐乳色黃不能受納者胃經有熱也先用瀉黃散次用人參安胃散若吐出酸穢者乳食內停也用保和丸吐乳不消者胃氣弱也用異功散吐而少食腹痛欲按者脾氣虛也用六君子加木香丸諸症當驗其手指熱則胃熱冷則胃寒熱用瀉黃散寒用理中湯不熱不寒異功散調之

治驗

一小兒夏月吐乳手指發熱作渴飲冷口吐涎水余謂胃氣熱蘆泉開而涎出也用瀉黃散而愈後復嘔吐另用尅滯之劑口渴飲湯流涎不已余謂胃氣虛寒不能攝涎也用理中丸而愈

一小兒七歲嘔吐不食面白指冷此胃氣虛寒也用理中湯嘔吐頓愈又用六君子湯而痊後傷食腹痛發熱嘔吐流涎先用



保安丸一服而痛嘔愈再用四君山梔而  
涎止

一小兒食涼粉而嘔吐酸物頭痛發熱此  
內傷兼外感也用人參養胃湯末二錢薑  
湯調服諸症皆愈惟吐酸涎用大安丸一  
服而止

一小兒傷食發熱嘔吐酸物手指常冷此  
胃氣虛寒陰盛隔陽於外虛熱所致也用  
保和丸末二錢濃薑湯調服而吐止再用  
六君子湯加山梔而安

一小兒嘔吐作渴暑月或用玉露飲子之  
類而愈又傷食吐酸余先用保和丸一服  
吐止次用五味異功散飲食漸進又用四  
君子湯而痊

一小兒暑月患吐瀉服香薷飲五苓散之  
類而止但手足並冷睡而露睛飲食不入



傷寒論卷之七  
三  
腸鳴作嘔欲用清涼之劑余曰此始為熱  
終為寒也當捨時從症用人參理中丸以  
薑湯化二服病勢始定次用助胃膏漸安  
又用六君子湯調理而愈

一小兒飲食多即吐余用五味異功散愈  
之又腹痛嘔吐先服大安丸仍用異功散  
而愈後症復作另投祛逐之劑吐瀉不食  
腹中痛甚以手按之則止此脾氣復傷也

先用補中益氣湯加茯苓半夏一劑又用  
六君升麻柴胡二劑飲食頓進後食生冷  
挾驚吐瀉手足並冷唇口搐動用六君鈞  
藤鈞柴胡而愈

一小兒吐酸作渴飲冷腹痛發熱用人參  
養胃湯加黃連一劑吐熱稍定又用保和  
丸一服腹痛頓止後傷食復吐腹脹大便  
不通用紫霜丸下之尋愈又感冒咳嗽腹



張另服下藥發熱作吐腹脹手足並冷睡  
而露睛發搐用六君鈞藤鈞而安又用四  
君加當歸川芎而愈後患吐瀉手足並冷  
用助胃膏頓痊

一小兒嘔吐發熱用瀉黃散而愈後因乳  
母飲酒腹脹吐泄用葛花解醒湯子母服  
之漸愈大便日去五七次用五味異功散  
加升麻二劑日去三次乃用四君肉豆蔻  
而痊

一小兒吐酸發熱用保和丸漸愈又用四  
君山查神麩而安後因飲食過多嘔吐復  
作另用下積丸更加作瀉腹脹手足發搐  
余以為肝木侮脾用五味異功散加柴胡  
鈞藤鈞而搐止又用六君子湯飲食漸進  
而痊

一小兒夏間嘔吐腹痛大便不通服大黃



藥而愈又傷食患吐發熱服瀉黃散等藥  
嘔吐腹痛按之即止面色青黃手足並冷  
此脾胃復傷而虛寒也用異功散加木香  
愈之後又傷食腹脹作痛或用消食丸吐  
瀉並作小腹重墜午後益甚余朝用補中  
益氣湯夕用六君子加木香而愈

一小兒嘔吐發熱腹痛面赤手熱口乾飲  
湯按其腹不痛此脾胃氣虛也用異功  
加木香乾薑一劑而愈後傷食吐而嘔酸  
腹中作痛按之益甚此飲食內停也用保  
和丸二服而痊

葛花解酲湯治乳母酒醉後乳兒遺熱為患

白荳蔻

砂仁

葛花

各五錢

乾生薑

白朮

澤瀉

神麴

炒黃各二錢

白茯苓

陳皮

人參

猪苓

木香

各五分



青皮

三分

右為末每服二錢白湯調服

愚按前湯先捨不得已而用之蓋醉酒耗氣又服辛散重損真陰折人長命可不慎哉

助胃膏治脾胃虛寒吐瀉等症

人參

白朮

白茯苓

甘草

丁香

砂仁

木香

三錢

白豆蔻

十四箇

乾山藥

兩

肉豆蔻

四箇

右為末蜜丸芡實大每服十九米飲化下

香薷散

方見熱吐

竹茹湯

五苓散

二方並見五淋

玉露散

補中益氣湯



大安丸

保和丸 四方見虛羸

六君子湯

四君子湯 二方見天鈞

瀉黃散

人參安胃散 二方見脾臟

理中丸 方見冷瀉

人參養胃湯 方見瘡症

寒吐噦逆

錢仲陽曰寒吐者由乳母當風取涼或風寒客于乳房其症面目脹額汗出脉沉遲微寒氣停於胃故胃不納而吐出也噦逆者由胃氣虛甚過服剋伐使清氣不升濁氣不降以致氣不宣通而作也風寒在胃者用理中丸胃氣虛者六君子湯風涼所致者宜捏去敗乳急服理中丸次服釀乳法若嘔吐清涎爽



乳小便清利用大安丸若因乳母食厚味用  
東垣清胃散若乳母飲醇酒用葛花解酲湯  
飲燒酒服冷米醋三五杯乳母食生冷而致  
者用五味異功散乳母停食者母服大安丸  
子服異功散乳母勞役者子母俱服補中益  
氣湯乳母怒動肝火者用加味逍遙散乳母  
鬱怒傷脾者用歸脾湯乳母脾虛血弱者用  
六君芎歸其子亦服三五滴氣血虛而乳熱  
者子母俱服八珍散仍參熱吐霍亂治之

### 治驗

一小兒因停食腹痛服疎導之藥而愈後  
復停食又用前藥寒熱不食腹脹後重大  
便頻而少此脾氣復傷而下陷也先用異  
功散加升麻數劑後重漸愈再加當歸全  
愈後因乳母恚怒致兒寒熱發搐作嘔用  
六君柴胡山梔以治其母兼灌其兒並愈



一小兒因乳母感冒風寒發熱兒患嘔吐  
身發赤暈用東垣人參安胃散而愈又咬  
牙發搐嘔吐酸腐待其吐止自安

一小兒時吐乳食診其母有鬱怒之症用  
加味歸脾湯加味逍遙散治之而愈

一小兒七歲身羸兼吐少食發熱面黃余  
謂脾臟受傷用六君煨薑二劑而飲食進  
去薑又數劑而愈

一小兒吐乳大便臭穢目睛緩視因乳母  
交感後飲乳所致用六君木香藿香治之  
而安

一小兒吐乳不食手足搐搦痰涎上湧手  
足指冷額黑唇青此腎水勝心火也用五  
味異功散加木香炮薑頓愈去薑又數服  
而愈

一小兒不時乾嘔不乳腹膨此脾胃虛而



將成疳也用四味肥兒丸以治疳四君子  
湯以健中而痊後傷食吐瀉完穀形氣困  
憊四肢微搐余曰且勿藥次日吐止但搐  
而瀉青黃此脾土虛而肝木勝也用六君  
釣藤鈎而痊

釀乳法治嬰兒有胎熱症令乳母服之不可  
遽用冷藥恐損脾胃若加嘔吐必成大患

澤瀉 二兩  
五錢

猪苓 去黑  
皮

赤茯苓

天花粉

各一兩半

生地黄

二兩

山茵陳

去梗

甘草

各一兩

右每服五錢水煎食後捏去舊乳服

茯苓半夏湯治嘔噦心下堅痞膈間有水痰

眩驚悸

半夏

五錢

白茯苓

二兩

右每服三錢薑水煎服

二陳湯治痰飲嘔吐惡心或頭眩心悸或中



腕不快或因食冷物胃氣不和

半夏

橘紅各五錢

白茯苓三錢

甘草

炙一錢五分

右每服二三錢烏梅一箇薑棗水煎服

四味肥兒丸治嘔吐不食腹脹成疳或作瀉  
不止或食積脾疳目生雲翳口舌生瘡牙  
齦腐爛發熱瘦怯遍身生瘡又治小便澄  
白腹大青筋一切疳症

黃連炒

蕪荑

神麩

麥芽

炒各等分

右為末水糊丸桐子大每服一二十九空  
心白滾湯送下

東垣人參安胃散治服峻劑脾胃虧損或成  
慢驚泄瀉嘔吐腸胃有熱以致前症方見脾臟

東垣清胃散

方見內鈞

理中丸

方見咳嗽



葛花解醒湯

方見熱

大安丸

即保和丸加白朮

保和丸

補中益氣湯

三方見虛羸

加味逍遙散

加味歸脾湯

二方見內鈞

清胃散

六君子湯

異功散

四君子湯

四方見內鈞

八珍湯

方見寒熱

人參養胃湯

方見瘡症

霍亂吐瀉

錢仲陽云吐瀉壯熱不食或乳不消是傷乳也宜白餅子下之後用益黃散和胃若吐瀉身溫不乳大便青白此上實下虛也用益黃



散加減治之大凡吐瀉身溫乍涼乍熱氣粗  
大便黃白吐乳不消此傷風熱也先服大青  
膏發散後服益黃散和胃若吐瀉身熱多睡  
能乳吐痰大便黃水胃虛也先用白朮散生  
津止渴後用大青膏釣藤飲發散風邪若夏  
至後吐瀉身熱或吐乳瀉黃此傷熱乳也用  
玉露散之類凡瀉乳腹痛按之而哭者食積  
痛也用白餅子下之按之不哭者脾胃氣虛  
也用五味異功散補之手足指冷者脾胃氣虛  
寒也用異功散加木香傷風吐瀉者風木尅  
脾土也亦用前藥若飲熱乳而瀉黃者濕熱  
壅滯也用四苓散如不瘉或反甚者元氣復  
傷也用白朮散瀉而腹中重墜者脾胃氣下陷  
也用補中益氣湯若服尅滯之劑而腹中窄  
狹者脾胃氣虛痞也用六君子湯若面黃瀉青  
脾虛而肝乘之也用六君柴胡升麻木香若



多噫瀉黃心脾氣虛也用六君炮薑升麻生  
下半月旬日內吐者止宜調治其母恐嬰兒  
臟腑脆弱不勝藥餌故也

治驗

一小兒盛暑吐瀉米穀不化或用黃連香  
薷飲之類腹脹作痛手足指冷此脾氣虛  
而伏陰在內也用五味異功散加木香治  
之而愈先君嘗云凡暑令吐瀉手足指熱

作渴飲冷者屬陽症宜清涼之劑手足指  
冷作渴飲熱者屬陰症宜溫補之劑故凡  
病屬陰症誤用寒涼之藥死後手足青黯  
甚則遍身皆然於此可驗

一小兒吐瀉乳食色白不化露睛氣喘此  
脾肺不足形病俱虛也先用異功散加柴  
胡桔梗頓愈再用補中益氣湯而安

一小兒吐瀉驚悸困倦腹脹此心火虛而



脾土怯也用六君茯神酸棗仁而愈又用  
秘旨保脾湯乃瘥

一小兒吐瀉驚搐項強乃脾傷而肝侮形  
氣虛而病氣實也用異功散加鈞藤鈎補  
脾平肝而愈

一小兒吐瀉呵欠頓悶不語畏明屬脾肺  
不能生肝腎也用異功散補脾肺地黄丸  
補肝腎遂痊

一小兒吐瀉腹脹不乳此脾胃傷也先用  
香砂助胃膏而飲食進後用六君子湯而  
脾胃健

一小兒寒熱作嘔飲食不入按其腹則哭  
此飲食停滯也先用大安丸遂安但唇目  
抽動大便稀黃此病邪去而脾氣虛弱也  
用六君子湯以補脾土鈞藤鈎以平肝木  
悉愈



一小兒白睛多唇色白停食吐瀉困睡驚悸久治不愈余曰驚悸為心血虛怯困睡為脾氣虛弱皆稟脾腎不足所致也用補中益氣湯及六味丸加鹿茸而愈

一小兒未週歲氣短喘急乳食少進時或吐乳乃脾傷而食積也先用六君山查枳實漸愈後吐瀉作渴用胃苓膏以治吐瀉白朮散以生胃氣而安

一小兒四歲每飲食失節或外驚所忤即吐瀉發搐服鎮驚化痰等藥後患益甚飲食不入藥食到口即嘔余用白朮一味和上炒黃用米泔水濃煎不時灌半匙尚嘔次日微嘔又一日不嘔漸加至半杯月餘而愈

一小兒停食吐瀉身熱作渴瀉下紅白或青黃色服香連丸而愈甚兼手足指冷余



謂始為實終為虛也用補中益氣湯加木香肉果而愈

一小兒傷食吐瀉大便溏泄或青綠色睡而露睛手足指冷額黑唇青此中氣虛弱寒水侮土也用五味異功散加升麻柴胡木香附子一劑而愈後患吐瀉不已先用胃苓散後用異功散而安

一小兒寒熱嘔吐或瀉青色余謂脾虛肝木所乘也用六君柴胡升麻治之而愈後因驚寒熱寅卯時益甚小便頻數久而不愈此肝火血虛先以小柴胡湯加白木茯苓當歸二劑頓止又用地黃丸而愈

車前子散治暑月霍亂吐瀉煩悶引飲不止小便不利

白茯苓

猪苓

香薷

車前子

炒

人參

各等分



右為末燈心湯調下

不換金正氣散治脾胃不和寒熱往來臟腑  
虛熱霍亂吐瀉

厚朴薑製

藿香

陳皮

半夏

蒼朮

米泔浸

甘草

炙各等分

右每服二三錢薑棗水煎服

二順散治中暑霍亂吐瀉煩悶燥渴小便赤  
澀便血肚疼

猪苓

澤瀉

茯苓

白朮

甘草炙

桂

乾薑

杏仁

各一兩去皮尖雙仁炒

右為末每服半錢不拘時水調下或水煎服

又釀乳法治胃虛吐瀉睡中吐舌搖頭嘔乳  
額上汗流驚啼面黃令兒飢飲

人參

木香

藿香



沉香

陳皮

神麩

麥芽 各等分

丁香 減半

右每服四錢薑十片紫蘇十葉棗三枚水煎每服半盞令乳母食後捏去舊乳方服卧少時却與兒乳

胃苓湯又名胃苓散為末蜜丸名胃苓膏治腸胃受濕嘔吐泄瀉

白朮

茯苓

澤瀉

厚朴

猪苓

陳皮

甘草 炙各等分

桂 少許

右為末每服二錢薑水燈心陳皮煎湯調下若停食吐瀉小便短少腹脹作痛用此以分利之更用六君子湯以調補脾胃

益黃散 方見脾臟

理中湯 方見咳嗽

助胃膏 方見熱吐一名香砂助胃



白餅子

方見發搐

白朮散

方見積痛

釣藤散

方見慢驚

玉露飲

方見

五苓散

方見五淋

香薷飲

方見嘔吐

定命飲子

方見

異功散

六君子湯

四君子湯

三方並見內釣

大青膏

方見肝臟

補中益氣湯

大安丸

二方見虛羸即保和丸加白朮

香連丸

方見諸痢

小柴胡湯

方見瘧症

四苓散

方見五淋五苓散去桂



魛病

巢氏云小兒魛病者婦人懷妊時有鬼神觸胎所致其初微痢寒熱往來毛髮鬢鬢情思不悅宜服龍膽湯又小兒未斷乳母復有胎兒飲其乳羸瘦骨立髮黃壯熱大便不調名魛病又名魛病也用紫霜丸下之益黃散補之令兒斷乳仍服消乳丸異功散有妊而抱他兒亦致此症海藏云魛病者因母有妊兒

飲其乳致病如瘡痢腹大或瘡或發他人相近亦能致之北人有取伯勞鳥羽帶之云可愈者竊謂前症因邪氣所觸而患故用紫霜丸下之若元氣被傷吐瀉諸症者當隨各症

治之

益黃散

方見脾臟

消乳丸

方見調護法

異功散



六君子湯

二方見內鈞

紫霜丸

龍膽湯

二方見禁風撮口

補中益氣湯

方見虛羸

冷瀉

湯氏云冷瀉者乃脾胃虛寒水穀不化而泄  
錢仲陽云小兒不能食乳瀉褐色身冷無陽  
也當用益黃散加減治之大便清白口不煩

渴冷積瀉也理中湯主之若口鼻吸風寒之  
氣脾胃受生冷之食而作者先用理中湯後  
用異功散命門火衰不能溫蒸中州之氣故  
脾胃虛寒者用益黃散及八味丸脾胃虛弱  
者五味異功散脾氣下陷者補中益氣湯脾  
氣虛寒者人參理中湯寒水侮土者益黃散  
肝木乘脾者四君柴胡湯手足並冷者加木  
香乾薑治者審之



治驗

一小兒瀉利青白手冷面青或時吃逆余用人參理中湯更加腹痛仍以煎湯加木香乾薑二劑稍緩又以五味異功散加木香漸愈又用五味異功散加升麻調理而痊

一小兒腹痛作瀉飲食不化小腹重墜用補中益氣湯加乾薑為末每服錢許米飲調日二三服旬餘稍愈又以五味異功散為末米飲調服旬餘漸愈又以四君子湯而痊

一小兒泄瀉腹痛手足並冷唇青額黑余謂寒水侮土用益黃散痛止再用六君乾薑漏蘆子母服之頓止又用人參理中湯而痊

一小兒久瀉兼脫肛小腹重墜四肢浮腫



面色痿黃時或兼青諸藥到口即嘔吐審  
乳母憂鬱傷脾大便不實先用補中益氣  
湯五味異功散及四神丸調治其母不兩  
月子母並愈

一小兒患瀉乳食不化手足指冷服消乳  
丸食乳即瀉余用五味異功散加木香母  
子服之而愈後時搐唇口抽動用異功散  
加木香釣藤鈎補脾平肝而痊

一小兒泄瀉手足發搐痰涎上湧手足指  
冷額黑唇青用五味異功散加木香炮薑  
補心火救脾土而愈

一小兒年十四患泄瀉小腹重墜飲食甚  
少先用六君子湯送四神丸數劑瀉漸止  
飲食稍進又用補中益氣湯數劑下墜漸  
愈後因勞發熱自臍而起饑則熱甚用六  
君炮薑治之稍安又用加味歸脾補中益



氣二湯而痊

人參理中湯

人參

白木炒

乾薑炮

甘草

炙各等分

右每服一二錢水煎蜜丸即人參理中丸

加附子即附子理中湯

益黃散

方見脾臟

理中湯

方見咳嗽

四君子湯

六君子湯

五味異功散

三方並見內鈞

補中益氣湯

方見虛羸

八味丸

方見腎臟即六味丸加肉桂五味子

四神丸

方見驚瀉

熱瀉

湯氏云小兒熱瀉者大便黃赤有沫乃臟中



有積或蘊熱所致若小便赤少口乾煩燥當用四苓散熱甚者四逆散右頤色赤飲冷胃經實熱也用瀉黃丸惡冷喜熱胃經虛熱也用白朮散右腮及額間俱赤心脾翕熱也用瀉黃散加炒黑黃連若左頰右腮俱赤肝火乘脾土也用四君子湯加柴胡若兒暴傷乳食用保和丸乳母尤當忌厚味節飲食若乳母停食所傷致兒吐瀉等病當治其母大始病而熱者邪氣勝則實也終變為寒者真氣奪則虛也久病而熱者內真寒而外假熱也久瀉元氣虛寒當參前症治之

### 治驗

一小兒夏間食粽傷胃吐而腹痛余用保和丸彼以為緩另用重劑吐瀉並作腹痛益甚按其腹却不痛余曰此食已消而脾胃虛也當溫補之仍行消導昏憤發搐余



用異功散加木香治之漸愈後復傷食另  
用去積丸吐瀉不食手足並冷睡而露睛  
變為瘡疾余用六君木香炮薑治之而愈  
一小兒瀉而大便熱赤小便澁少此熱蘊  
於內也先用四苓散加炒黃連一劑其熱  
頓退又用白朮散去木香二劑熱渴頓止  
以四君升麻調理而痊

一小兒食炙煨甘甜之物常作瀉大便熱  
痛小便赤澁此膏梁積熱所致用四苓散  
清胃散各四服諸症稍退乃用四味肥兒  
丸而瘥

一小兒九歲食炙煨之物作瀉飲冷諸藥  
不應肌體消瘦飲食少思余用黃連一兩  
酒拌炒焦為末入人參末四兩粥丸小豆  
大每服四五十九不拘時白湯下服訖漸  
愈又用五味異功散加升麻服月餘而瘥



後不戒厚味患疳積消瘦少食發熱作渴  
用九味蘆薈丸為主以四味肥兒丸為佐  
疳症漸退却以四味肥兒丸為主以五味  
異功散為佐而痊後又不禁厚味作瀉飲  
冷仍服肥兒丸異功散而愈

一小兒侵晨泄瀉服消疳清熱之劑不應  
余謂脾腎虛用二神丸治之不信仍服前  
藥形體骨立復求治用四神六味二丸治  
之尋愈停藥數日飲食漸減泄瀉仍作至  
十七歲婢姻瀉渴頓作用前藥治之無效  
乃用補中益氣湯八味丸而始應

一小兒因母怒氣停食患泄瀉服消導之  
劑更加吐乳先用養胃湯加炒黑黃連一  
錢吳茱萸三分木香四分治其母子亦灌  
一二匙悉愈後母傷食患血痢腹痛其子  
亦然治以四君子加前三味母子俱服因



何異全書卷十  
惑於人言但令母服子另服治痢之藥加  
作嘔不乳手足並冷余用五味異功散加  
木香炮薑漏蘆母子並服而愈

一小兒患瀉身熱作渴瀉下穢氣此為內  
熱而瀉也用香連丸一服而愈又患瀉服  
黃連香薷飲益甚余用六君木香肉果而  
愈

一小兒患瀉作渴飲冷手足並熱睡不露  
睛此為熱瀉用黃芩湯一劑而愈又用白  
朮散二服而安

一小兒患瀉面赤飲冷小便赤色先用四  
苓散香連丸各一服而便利勢減又用異  
功散加木香黃連各二分吳茱萸一分二  
服而愈

一小兒瀉而腹痛按之不痛用異功散加  
升麻而愈後復瀉服消乳丸益加腹痛余



謂脾氣傷也復用異功散加木香而痊  
一小兒吐瀉腹痛睡而露睛小腹重墜手  
足並冷先用六君升麻乾薑四服而痛墜  
愈又用異功散加升麻木香而悉愈後又  
傷食腹痛別服祛逐之劑虛症悉具余用  
理中丸六君子湯而尋愈但噫氣下氣口  
角流涎此脾胃虛寒也復用理中六君子  
二湯而愈

黃芩湯治下痢頭痛胸滿口乾或寒熱脇痛  
不時嘔吐其脉浮大而弦

黃芩

一兩五錢

芍藥

甘草

炙各一兩

右每服二三錢薑水煎嘔加半夏二錢

玉露散治吐瀉黃色

寒水石

石膏

各半兩

甘草

一錢

右為末每服半錢白滾湯調服

四味肥兒丸

方見嘔吐



異功散

方見內鈞

二神丸

二方見驚瀉

四神丸

八味丸

即六味丸加肉桂  
五味方見腎臟

調中湯

即理中湯  
方見咳嗽

白朮散

方見積痛

四苓散

即五苓散去  
桂方見五淋

四逆散

方見積滯

胃苓湯

方見吐瀉

養胃湯

方見瘡症

清胃散

四君子湯

六君子湯

三方見內鈞

保和丸

方見虛羸

香連丸

方見諸痢

食瀉



東垣云傷食則惡食小兒食瀉者因飲食傷脾脾氣不能健運故乳食不化而出若噯臭吞酸胸膈脹滿腹痛按之益痛者雖作瀉而所停滯之物尚未消也用保和丸腹痛按之不痛者乳食已消也用異功散脾氣傷而未復不思飲食者用六君子湯所傷生冷之物及喜熱者並加木香乾薑乳食已消腹痛已止瀉尚未止者脾失清升之氣也用補中益氣湯餘有別症當參各門

### 治驗

一小兒泄瀉不食噯腐酸氣用平胃散一服而瀉止又用五味異功散而飲食增後復傷吐瀉喘嗽手足指冷面色黃白余謂脾虛不能生肺也用六君升麻桔梗而愈一小兒傷食作瀉發熱服寒涼藥熱甚作嘔此胃經虛熱也先用四君升麻而嘔止



又用白木散而安

一小兒乳哺失節泄瀉腹痛自用藥下之反加痰搐又服化痰止搐之藥而痰搐益甚睡而露睛手足微冷余以為脾胃已虛而重傷之也用異功散加木香釣藤釣母子並服三日而痰搐止五日而瀉痛除

一小兒傷食瀉青發搐余謂肝木勝脾也用六君木香釣藤釣而愈後傷食腹痛別

用消食丸唇額頰黑瀉益甚此脾氣虧損寒水反來侮土也用六君木香乾薑而痊

一小兒面色痿黃傷食作瀉面色頰白氣喘痰湧余謂脾肺氣虛下陷法當升補彼不信別服清氣化痰之藥虛症蜂起余先用補中益氣湯一劑諸症頓退又用五味異功散而痊

一小兒泄瀉兩寸脉或短或伏用補中益



傷寒全書卷七  
氣治之頓愈余見患前症不服此藥而危者多矣惜哉

一小兒飲食後即瀉先用六君升麻神麩山查而止又用五味異功散加升麻而痊後傷食吐瀉腹痛用保和丸二服又用異功散調補脾胃氣而安

一小兒傷食作瀉腹脹四肢浮腫小便不利先用胃苓散加木香旬餘諸症漸退又用五味異功散為主佐以加減腎氣丸又旬日二便調和飲食漸進浮腫旋消乃以異功散調理而愈

一小兒十三歲傷食作瀉服尅伐之劑胸腹膨脹手足並冷余謂當調補中氣不信後見睡而露睛唇口搖動乃用六君木香釣藤鈎至四劑搖動頓止又二劑飲食加進以五味異功散加升麻柴胡膈寬瀉止



而愈

調中湯治傷乳食瀉後脾胃虛噦吐瀉

人參

茯苓

白朮

木香

乾薑

藿香

香附

炒去毛

縮砂仁

甘草炙

丁香

各等分

右水煎食前服

香橘餅治傷冷積瀉

木香

青皮

各一錢

陳皮

二錢五分

厚朴

神麴

麥芽

炒各半兩

右為末蜜丸為餅每服一枚米飲調下

保安丸治傷食瀉

白殭蠶

炮

青皮

去穰

陳皮

去白

三稜

炮

蓬朮

炮

甘草

炒各五錢

砂仁

香附

各兩

右為末用麥芽米糊丸棗豆大每服二三



丸白湯下

四君子湯

六君子湯

異功散 三方並見內鈞

白朮散 方見積痛

平胃散 方見胃氣虛冷

白餅子 方見發搐

消食丸 方見嘔吐乳

補中益氣湯

保和丸 加白朮名保和湯二方見虛羸

胃苓散 即五苓散平胃散合用蓋棗煎服又名胃苓湯

金匱加減腎氣丸 方見腹脹

驚瀉

小兒驚瀉者肝主驚肝木也盛則必傳剋於脾脾土既衰則乳食不化水道不調故泄瀉色青或蕪發搐者蓋青乃肝之色搐乃肝之



症也亦有因乳母脾虛受驚及怒動肝火而致者經曰怒則氣逆甚則嘔血及殮泄法當平肝補脾慎勿用峻攻之藥脾氣益虛肝邪彌甚甚至抽搐反張者亦肝火熾盛中州虧損之變症也凡見驚症即宜用四君六君異功散等方加白附子定風柴胡平肝引經以杜漸則必不至瀉搐而自安矣今已見瀉吐驚搐尚不知補脾平肝而以保命抱龍鎮驚等藥治之其亦去生遠矣

### 治驗

一小兒因驚又瀉面色青黃余謂肝木勝脾土也朝用補中益氣湯夕用五味異功散加木香子母俱服而愈

一小兒泄瀉驚搐其母面青脈弦先用小柴胡湯加木香漏蘆一劑次用四君木香釣藤鈎山梔母子同服而愈



一小兒因其母被驚患瀉服藥傷胃反致吐乳余用五味異功散炒黑黃連木香治其母時灌子一二匙俱愈後母因鬱怒停食下痢嘔吐腹痛其子昏憤不食以六君子湯加車前子黃連木香母子俱服而安一小兒久瀉青色腸鳴厥冷余曰此驚泄也脾土既虧則肝木來侮瀆溫脾平肝然後可愈彼以為迂自用治驚等藥腹脹重墜小便不利四肢浮腫始信前言重複請治余先用五味異功散加升麻柴胡數劑諸症稍可又以補中益氣湯數劑飲食少加又因傷食夾驚吐瀉發搐復用異功散加柴胡鈞藤鈞四劑諸症稍退又傷風咳嗽腹脹作瀉或用發散解利之劑手足逆冷睡中發搐余謂此脾土虛而肺金受症重傷真氣故也用異功散加紫蘇一劑以

美



散表邪次以補中益氣湯加茯苓半夏調  
補真氣而痊

一小兒因驚吐瀉腹脹先用六君木香柴  
胡治之稍可又以五味異功散而愈後因  
驚搐痰甚或用鎮驚化痰之藥倦怠不食  
而泄益甚先用異功散加木香釣藤鈎四  
劑而愈

四神丸治脾虛胃弱大便不實飲食不思或

泄痢腹痛

肉苳蔻

二兩

補骨脂

四兩

五味子

二兩

吳茱萸

一兩

右為細末用紅棗六十五枚生薑六兩用  
水二鍾煮乾取棗肉和丸如桐子大每服  
五六十丸白湯送下或化服

二神丸

補骨脂

四兩

肉苳蔻

二兩

生用



右為末用紅棗四十九枚生薑四兩用水  
一鍾煮乾取棗肉和丸桐子大每服二三  
十九丸白滾湯下

朱君散治吐瀉後有此症并糞青者宜服之  
即四君子湯加辰砂麝香燈心鈞藤鈞為  
末每服一錢白湯調下 方見內鈞

太乙丹常服安神鎮驚止夜啼

桔梗 炒一兩

藿香葉

白藕豆

炒各半兩

白芷

川芎

各二錢五分

右為末蜜丸芡實大辰砂為衣每服一丸  
薄荷湯磨下糞青者棗湯下夜啼燈心鈞  
藤湯下加白朮茯苓白芍藥尤妙

補中益氣湯

方見虛羸

六君子湯

五味異功散

二方並見內鈞

小柴胡湯



至聖保命丹

二方並見瘧症

八味丸

即六味丸加五味肉桂方見腎臟

諸痢

錢仲陽云瀉痢黃赤黑皆熱也瀉痢青白米穀不化皆冷也東垣云白者濕熱傷於氣分赤者濕熱傷於血分赤白相雜氣血俱傷也海藏用四君芎歸治虛弱之痢四君乾薑治虛寒之痢愚嘗治手足指熱飲冷者為實熱用香連丸手足指冷飲熱者為虛寒用異功散送香連丸若兼體重肢痛濕熱傷脾也用升陽益胃湯小便不利陰陽不分也用五苓散若濕熱退而久痢不愈者脾氣下陷也用補中益氣湯倍加升麻柴胡瀉痢兼嘔或腹中作痛者脾胃虛寒也用異功散加炮薑木香或變而為瘡者肝剋脾也用六君升麻柴胡鈞藤鈎若積滯已去痢仍不止者脾氣虛



也用四君子送下香連丸若因乳母膏梁厚  
味六淫七情致兒為患者當各推其因仍兼  
治其母并參冷熱瀉及積滯腹痛等症覽之

治驗

一小兒下痢赤白裏急後重腹時痛用香  
連丸而痊後傷食復變痢欲嘔少食用五  
味異功散加木香三分黃連二分吳茱萸  
一分数劑而愈

一小兒患痢口乾發熱用白朮散煎與恣  
飲時以白朮散送香連丸而安

一小兒久痢裏急後重欲去不去手足並  
冷此胃氣虛寒下陷也用補中益氣湯加  
木香補骨脂倍加升麻柴胡而愈

一小兒久痢作渴發熱飲湯用白朮散為  
主佐以人參二兩黃連一兩炒黑為丸時  
服數粒盡劑而痊



一小兒作瀉不乳服尅伐之劑變痢腹痛  
後重余用補中益氣湯送香連丸又用香  
砂助胃膏六君子湯而愈

一小兒傷乳食不時嘔吐雜用消導之藥  
變痢不止先用六君木香漸愈後用七味  
白朮散而痊

一小兒傷乳食吐瀉變赤痢後重腹痛先  
用香連丸而愈又乳食過多腹痛先用保  
和丸一服痛止又用五味異功散加木香  
二劑而愈

一小兒下痢腹痛陰冷小便短少用五味  
異功散加肉豆蔻頓愈復作嘔吐噯酸或  
用巴豆之藥連瀉五次飲食頓減手足並  
冷余用五味異功散加木香乾薑飲食少  
進倍用乾薑又四劑手足溫而痢亦痊  
一小兒痢後腹脹作嘔大便不實小便不



利諸藥不應余先用五味異功散加木香  
肉桂數服二便少調又數劑諸症少愈用  
八味丸補命門之火腹脹漸消用金匱加  
減腎氣丸諸症頓退又用四君升麻柴胡  
而全安

一小兒患痢喘嗽不已此肺氣虛也用六  
君子加木香為末每服錢許以人參陳米  
薑湯調服即睡乳食少進又二服而喘嗽

頓安乃用四君子湯而痊

石蓮散治小兒噤口痢嘔逆不食

蓮肉

炒去心

右為末每服一錢米飲調一方山藥末米  
飲調下

胃風湯治風冷客於腸胃乳食不化泄瀉腸  
鳴腹滿而痛或下如豆汁或瘀血日夜無  
度



白芍藥

白木

肉桂

人參

當歸

川芎

茯苓

右為末每服二錢入粟米水煎空心熱服

香連丸

黃連

十兩用吳茱萸五兩水拌濕入磁器頓滾湯中半日炒焦黑

木香

二兩

右為末丸如赤豆大每服二三丸白湯下

地榆飲治冷熱痢腹痛下痢赤白頻併

地榆

三分

甘草

赤芍藥

炒

枳殼

各二分

右水煎服

黃連解毒湯治時疾三日汗已解若煩悶乾

嘔口燥呻吟發熱不卧

黃連

炒三錢

黃柏

炒半兩

梔子

炒四枚

黃芩

炒二錢



右每服二三錢水煎未効再服亦治熱痢  
湯氏異功散止渴消暑生津

澤瀉

猪苓去皮三錢

陳皮二錢半

白朮

茯苓

人參各五錢

辰砂一錢

右為末蜜丸芡實大每服一九燈心竹葉  
湯化下

升陽益胃湯

黃芪二錢

半夏

人參

甘草炙各一錢

獨活

防風

白芍藥

羌活各五錢

陳皮

茯苓

柴胡

澤瀉各三分

白朮

黃連炒各一錢

右水二鍾薑三片棗二枚煎四分食遠服

五苓散方見五淋

愚按前症若津液偏滲於大腸大便瀉而



小便少者宜用此藥分利若陰陽已分而小便短少者此脾肺虛而不能生水也宜用補中益氣湯加麥門五味虛火上炎而小便赤少者此肺氣受傷而不能生水也

四君子湯

六君子湯

以小便不利而用滲泄之劑也

五味異功散 三方見內鈞

補中益氣湯

保和丸 二方見虛羸

香砂助胃膏 方見熱吐

白朮散 方見積痛

八味丸 方見腎臟六味丸  
加肉桂五味子

金匱加減腎氣丸 方見腹脹

瘡



經曰夏傷於暑秋必痲瘧其症先起於毫毛  
伸欠乃作寒慄鼓頷腰脊俱痛寒去則內外  
皆熱頭痛如破渴欲冷飲蓋邪氣并於陽則  
陽勝并於陰則陰勝陰勝則寒陽勝則熱陰  
陽上下交爭虛實更作故寒熱間發也有一  
日一發二日一發三日一發有間一日連二  
日發有日與夜各發有上半日發下半日發  
及發於夜者有有汗有無汗此其畧也以詳  
言之當分六經五臟及痰食勞暑鬼瘴之不  
同邪中三陰之各異如足太陽之瘧令人腰  
痛頭重寒從背起先寒後熱焯焯暍然熱  
止汗出難已足少陽之瘧令入身體解作寒  
不甚熱不甚惡見人見人心惕惕然熱多汗  
出甚足陽明之瘧令人先寒洒淅洒淅寒甚  
久乃熱熱去汗出喜見日月光火氣乃快然  
足太陰之瘧令人不樂好太息不嗜食多寒



熱汗出病止則善嘔嘔已乃衰足少陰之瘧  
令人嘔吐甚多寒熱熱多寒少欲閉戶而處  
其病難已足厥陰之瘧令人腰痛小腹滿小  
便不利如瘧狀非瘧也數便意恐懼氣不足  
腹中悒悒此六經瘧也肺瘧者令人心寒寒  
甚熱熱間善驚如有所見者心瘧者令人煩  
心甚欲得清水反寒多不甚熱肝瘧者令人  
色蒼蒼然太息其狀若死者脾瘧者令人寒  
腹中痛熱則腸中鳴鳴已汗出腎瘧者令人  
洒淅然腰脊痛宛轉大便難目眴眴然手足  
寒胃瘧者令人在病先善饑而不能食食而  
支滿腹大此五臟瘧也痰瘧者胸膈先有停  
痰因而成瘧令人心下脹滿氣逆煩嘔是也  
食瘧者是飲食傷脾其人噫氣吞酸胸膈不  
和是也勞瘧者久而不瘥表裏俱虛客邪未  
散真氣不復故疾雖間遇勞即發是也暑瘧



者其人面垢口渴雖熱已退亦常有汗是也  
鬼瘡者進退無時是也瘡瘡者感山嵐瘴氣  
其狀寒熱休作有時是也作於子午卯酉日  
為少陰瘡作於寅申巳亥日為厥陰瘡作於  
辰戌丑未日為太陰瘡此所謂三陰各異也  
久而不愈名曰痲瘡痲瘡老瘡也老瘡不愈  
結癖於兩脇之間名曰瘡母此先失於解散  
或復外感風寒內傷飲食故纏綿不已也治

法風暑之邪從外而入宜解散之解表後即  
宜扶持胃氣故丹溪曰無汗要有汗散邪為  
主有汗要無汗固正氣為主驟發之瘡宜解  
表久發之瘡宜補脾寒瘡宜溫溫瘡宜和瘡  
瘡宜清挾痰則行痰兼食則消食勞瘡宜安  
暑瘡宜解鬼瘡宜祛瘡瘡宜散此亦其畧也  
更以詳言之則熱多寒少者小柴胡湯寒多  
熱少者清脾飲子無汗者桂枝麻黃各半湯



有汗者柴胡桂枝湯渴而小便不利者五苓散熱多汗出腹滿便閉者大柴胡湯痰瘧者二陳湯加柴胡黃芩甚者加枳實食瘧者先用大安丸次用異功散勞瘧瘵瘧並用補中益氣湯暑瘧者十味香薷飲鬼瘧者鬼哭散瘵瘧者四獸飲瘧母者鼈甲飲凡脾胃虛而患瘧者不拘有汗無汗三陰六經悉以六君子湯為主熱多加柴胡山梔寒多加乾薑肉桂有汗加黃芪浮麥無汗加蒼朮葛根元氣下陷及肝木乘脾並加升麻柴胡為善若用青皮草果常山等藥以為攻截良法正氣益虛邪氣益深是多延綿不止而為勞熱者有矣若乳母七情六欲飲食不調或寒熱似瘧肝火熾盛致兒為患者又當治其乳母斯無誤矣

治驗



一小兒先因停食腹痛服峻厲之劑後患瘡日晡而作余以為元氣下陷欲治以補中益氣湯不信泛行清熱消導前症益甚食少作瀉余朝用前湯夕用異功散加當歸月餘而愈

一小兒每午前先寒後熱久不愈用六君子加炮薑丸芡實大每服一九旬餘而愈  
一小兒患瘡兼便血盜汗年餘矣審乳母

素有鬱怒寒熱便血朝用加味歸脾湯夕用加味道遙散兒以異功散加酒炒芍藥為末每服三四分米飲下月餘母子並痊  
一小兒瘡發熱服消導之劑腹脹作嘔四肢浮腫先用五味異功散加木香諸症頓退飲食頓進後因飲食過多作瀉用補中益氣湯加木香又用五味異功散而痊  
一小兒瘡後腹脹咳嗽倦怠屬脾肺氣虛



用補中益氣湯茯苓半夏尋愈後傷食發熱如瘡服寒涼之劑更加便血用四君升麻柴胡便血頓止又用補中益氣湯而愈  
一小兒瘡將愈飲食過多腹脹發熱大便不通用消積丸保和丸異功散尋愈後飲食不節寒熱吐瀉用異功散柴胡升麻愈  
一小兒瘡後少思飲食便血發熱腹脹屬脾虛不能統血先用異功散加升麻柴胡而血止又補中益氣湯飲食頓進仍用異功散而痊

一小兒瘡後腹脹用五味異功散四味肥兒丸而漸愈用補中益氣湯而愈後傷食腹脹大便不實小便不利用五味異功散金匱加減腎氣丸而愈

一小兒十五歲瘡後補中益氣湯加山梔而小便通因勞發熱不食小便不利用補



中益氣五味異功散加升麻柴胡而痊後  
每勞心寒熱如瘡用補中益氣湯飲食失  
節如瘡用五味異功散隨愈

一小兒十四歲瘡後肚腹膨脹小便不利  
屬脾胃虛寒朝用補中益氣湯夕用金匱  
加減腎氣丸而痊畢姻後朝寒暮熱肌體  
消瘦服滋陰之劑更痰發甚熱腹中作脹  
小便不利余朝用補中益氣湯夕用金匱  
加減腎氣丸而愈

一小兒瘡疾將愈飲食過多腹脹發熱大  
便不通用消積丸保和丸異功散調理脾  
胃而愈後飲食不節寒熱吐瀉先用胃苓  
散吐瀉止又用異功散柴胡升麻寒熱愈  
一小兒十五歲瘡後發熱吐痰余謂脾氣  
所變不信反服黃柏知母之類諸症悉具  
謂余曰胃火盛而滋水其瘡益甚何也余



曰症在脾陰土喜溫和而惡寒濕前所用藥悉屬沉陰復傷其生氣故病愈甚也先用六君柴胡升麻木香四劑諸症頓愈乃佐以異功散加柴胡升麻元氣漸克又朝用補中益氣湯夕用異功散而愈畢姻後發熱如瘧用補中益氣湯寒熱益甚手足並冷另用清熱等藥大便去則小便牽痛小便去則大便先出余謂此陰精已耗而

復傷耳乃腎氣虛寒之危症也用大劑補中益氣湯八味地黄丸喜其遠帟幙而得生

柴胡桂枝湯治瘧身熱多汗

柴胡八錢

黃芩三錢

半夏二錢半

芍藥

甘草

桂枝各三錢

右每服二三錢薑棗水煎

鬼哭散治瘧久不止



常山

大腹皮

白茯苓

鼈甲

醋炙

甘草

炙各六錢

右入桃柳枝各七寸水煎服

清脾飲子治痺瘡脉弦數但熱不寒或熱多

寒少膈滿不食口苦舌乾煩渴小便黃赤

大腸不利

青皮

炒

厚朴

薑製

白朮

草果

柴胡

茯苓

半夏

炮七次

黃芩

甘草

炙各等分

右每服二三錢薑水煎服

四獸飲治陰陽相勝結聚涎飲為瘡兼治瘡

瘡神効

半夏

茯苓

人參

白朮

草果

橘紅

各等分

甘草

減半

右用烏梅薑棗濕紙裹煨香熟焙乾入藥



每服二錢水煎服

鼈甲飲子治瘡久不愈脇下痞滿形容羸瘦

腹中結塊時發寒熱名曰瘡母

鼈甲醋炙

白木

甘草

黃芪

白芍藥

川芎

人參養胃湯治外感風寒內傷生冷寒熱如瘡或嘔逆惡心寒瘡加桂枝

人參

厚朴

蒼朮

半夏炮

藿香

草果仁

茯苓各五錢

甘草炙

橘紅二錢半

右每服二三錢薑七片烏梅一箇水煎熱服

桂枝麻黃各半湯治發熱自汗或無汗

桂枝

白芍藥

生薑

甘草炙

麻黃各一錢

杏仁十粒炮去皮尖

右水一鍾大棗二枚煎四分食遠服



五苓散 方見五淋

小柴胡湯

大柴胡湯 二方見瘕症

二陳湯 方見寒吐

大安丸 即保和丸  
加白朮

補中益氣湯 方見虛羸

十味香薷飲 方見嘔吐乳

六君子湯

加味歸脾湯

加味道遙散

異功散 四方見內釣

保嬰全書卷之七 終



